



EUSKALGINTZAREN
KONTSEILUA

EUSKARAZ BIZITZEKO BEHAR DEN DENA

EUSKALTZALEON MARTXA

EKAINAK **13** > IRUÑEA

ASKATASUN
ENPARANTZA

17:00etan

ANTONIUTTI
PARKEA

17:00etan

RUNAKO
PARKEA

17:00etan

● EKITALDIA
GAZTELUKO
PLAZAN

OFIZIALTASUN OSOA · JAUZIA HIZKUNTZA POLITIKETAN · EUSKALTZALETASUNA



Jarraitu sareetan: @kontseilua

Informazio guztia:
pizkundea.eus



EUSKALTZALEON MARTXA

EKAINAK 13 > IRUÑEA

Ekainaren 13an Iruñeko kaleak Euskal Herri osoko euskaltzalez betetzeko mobilizazio jendetsua antolatzen ari gara Euskalgintzaren Kontseilua osatzen dugun eragileak, «Euskaltzaleon Martxa» lelopean.

Izan ere, azken hamarkadetan berreskurapen ziklo bat gertatu den arren, gero eta gehiago dira **euskararen etorkizunaren gaineko kezka eta larritasuna** adierazten dizkiguten datuak eta ikerketak. Zailtasun horiei erantsi behar zaio euskararen biziberritzearen aurka bizi dugun oldarraldi antolatua.

Hala ere, sinetsita gaude posible dela **euskararen biziberritzeari bultzada ematea**, abenduaren 27ko ekitaldian aldarrikatu genuen bezala, **Pizkunde berri bat** eragitea, eta horretarako ezinbestekoa dela **euskaltzaletasunaren giharra indartzea**. Horretara dator ekainaren 13ko mobilizazioa, euskaltzaleok antolatzea, euskaraz bizitzeko baldintzak sortzea, «**Euskaraz bizitzeko behar den dena**» aldarrikatzea.

Martxa arratsaldean egingo dugu. 17:00etan Iruñeko hiru puntu ezberdinetan bilduko dira herritarrak: **Antoniutti, Runako Parkea** eta **Askatasun Enparantza**. Puntu hauetatik Iruñeko kaleak harrotasunez beteko dituzten hiru zutabeak abiatuko dira. Zutabeek bat egingo dute **Gazteluko Plazan**, eta bertan egingo dugu ekitaldi politikoa, amaiera berezi bat emanez.

Zutabeetako bakoitzak euskarak behar duen Pizkunderako ezinbestekoak diren hiru oinarrietako bana ordezkatu du: **Ofizialtasun osoa, Jauzia hizkuntza politiketan** eta **Euskaltzaletasuna**.

1. Lehenengoa, euskarak Euskal Herriko lurralde guztietan **ofizialtasun osoa** izan dezala aldarrikatuko duena: Ipar Euskal Herrian koofizialtasuna, Nafarroan euskararen zonifikazioa gainditu eta ofizialtasuna lurralde osora hedatzea, eta Euskal Autonomia Erkidegoan oldarraldiaren ondorioz eragiten ari den desofizializazioaren aurrean euskararen normalizazioa blindatuko duen arkitektura juridiko berri bat.
2. Bigarrena, **hizkuntza politiketan jauzi bat** eragiteko asmoz erakundeak, alderdiak eta eragile sozialak interpelatuko dituena, euskararen ezagutza orokortuko duten politiken eta erabilera normalerako baldintzak sortuko dituzten neurrien alde.
3. Eta hirugarren zutabea, **euskaltzaletasunaren** ekarpena aldarrikatuko duena, azpimarratuz egunerokoan euskaltzale gisa jokatzaren garrantzia eta euskaltzaleak elkarrekin antolatzearen premia.

Euskal Herri osoko euskaltzale guztiak deitzen ditugu Euskaltzaleon Martxan parte hartzera. Mundua euskararen eta euskaldunon aurka datorren honetan, guk **euskara dugu munduaren alde**.

Euskaltzaleon garaia da!